

Ngoenzgyaj Vujiyiz Daeuj Daengz Lo

□ Suh Dazcin / 苏达进

Ngoenzgyaj vujiy angqvauvau,
Simj sau go au bae youzlangh,
Lwgnyez gaenlaeng aensim angq,
Miz riu miz gangj fajnaj hai.

Yizcingz sam bi sim mbouj langh,
Cungj mbouj simsangj naj saepsat,
Caenh muengh binghdoeg dai seuq sat,
Gizgiz moqyat cungj angqyangz.

Senhbu langghai angq dahraix,
Seizneix cwxcaih youh vaiqvued,
Gofaex gova angq biu nyod,
Lwgnyez caez buet bae guhcaemz.

Guek raeuz gingjdiemj ndei youh lai,
Couh lumj va hai gyoengqvunz maij,
Roen gvangq youh lai fuengbienh byaij,
Saedcaih youh vaiq youh swnsim.

Baihrog gyangdoengh gyoengq va yieng,
Guhhong gaenjieng ndaej cuengqsoeng,
Ndae baengh aendangj mbouj guhhong,
Ngoenzneix daengx ranz doengzcaez langh.

Bya heu raemx saw vunzlai maij,
Bin bya dangh raemx byaij henz daemz,
Doxiu okrog bae guhcaemz,
Gyoengqvunz caezcaemh gvaq ngoenzgyaj.

Bineix ngoenzgyaj vujiy raez,
Vunzlai maijgyaez youz gizgyae,
Gizgiz gingjdiemj guh ndaej ndei,

Doenghgij bouxyouz ei q dangqmaz.

Bae youzlozyenz bae benz dat,
Mbouj lau mbwn ndat caeuq hanh lae,
Muengh bae lienh ndang lienh cei q ndei,
Gyoengqde ngonz ndaej gyae youh sang.

Lwgnyez bae youz dem cihsiz,
Swhyenz caeu miz lai baenz gyoengq,
Ngoenzgyaj vujiy raeuz ndaejhoengq,
Doxiu caezcungq(caezcaemh) bae damqra.

Doenghgij ndeigwn baij baenz baiz,
Yinx daeuj vunzlai lumj rwi mbaj,
Gij feih cienz daeuj gyoengqvunz ngah,
Gij maez mbouj caj caeux rim bak.

Vunz lai vunz daih youq gingjdiemj,
Mbouj miz sing siemj caez huzndei,
Lwgnyez dingqnaeuz vunz lai gyaez,
Caezcaemh guh' angq mbei hix fag.

Boux guh cinghseuq guh ndaej ndei,
Caenhrengz baujceiz(baujciz) gingjdiemj seuq,
Bouxyouz gwn gij doxgaiq liux,
Gag dawz nyapnyaj beuj bae comz.

Dangj raeuz mbouj lumz simnduj de,
Cungj mbouj luenh ce gij daihvah,
Ngoenzneix couhdwg aen ngoenzgyaj,
Gyaudoeng gingjcaz lij hwnjban.

Cehcan yinzyenz vih bouxyouz,

Ndigah ngoenzgyaj you bouxwnq,
Doenghgij gunghyinz sam ban swnj,
Caenh muengh cagaenj lai guhhong.

Bouxbing fuengzre vih guekcoj,
Mbouj lau sinhoj vih bouxminz,
Vih guek vih minz gaenx lienh bing,
Guh daengz dwk hingz gij hoenxcienq.

Bae daengz guek rog bae youzlangh,
Giet baenz cingzngaih angq dangqmaz,
Caezcaemh doxcienz gij vwnzva,
Gyoengqraeuz daihgya maij raixcaix.

Bouxyouz guek rog daeuj youzlangh,
Doenghgij fazcanj caen da raen,
Haisim yiengsauh gij ndeigwn,
Liujgaij vwnzva Cungguek raeuz.

Liujgaij vwnzva raeuz guekgya,
Cingzngaih daihgya caez coicaenh,
Seiqgyaiq huzndei raeuz guhhaenq,
Lajbiengz beksingq haenh dangqmaz.

Seizgan ngoenzgyaj vujiy raez,
Gak yiengh ginghci ndaej fazcanj,
Mizik saenqhwnq raeuz lajmbanj,
Doengh bouxguhnaez angq dangqmaz.

Yamq ok douranz bae youzlangh,
Cingzngaih raezrangh cungj simvuen,
Saenqhwnq lajmbanj daihgya dwen,
Bouxdaeuz ngonz ndaej gyae youh gvangq.

Daengngoenz Baihdoeng Mbouj Rox Doek

——Cimh Riz Bak Bi Cungguek Gungcanjdangj

□ Cingh Swmungz / 清似蒙

Bingdoi h Gozminzdangj,
Doxcanj doi q dauqlaeng,
Rox geijlai dwgcaengz,
Bienqbaenz bing baijiyengh.

Ndaek daeuz Ciengj Gaisiz,
Ndawdungx miz dajsuenq,
“Baihndaw andingh gonq,
Baihrog conx guh laeng”.

Hungzginh youq baihbak,

Caux laeb Sanj-Ganh-Ningz,
Laux Ciengj mbouj gamsim,
Lij diuh bing bae dwk.

Cunghung gaij fuengcim,
Laemxsim dingj Yizbwnj,
Gouq guek saeh youqgaenj,
Doengdienh daengq vunzbiengz.

Guek yaek mbouj baenz guek,
Gag doxbuek guhmaz,

Caemh aen goek faen nga,
Gen ga hab doxbaengh.

“Beixnuengx gaej doxceng,
Gap rengz doi q baihrog”,
Cingqheiq singsing gok,
Daengx guek hemqfaenfaen.

“Itngaih•gouj” yindung,
Nauh ndaej hoengh dangqmaz,
Fanj Yizbwnj “Cinhvaz”(侵华),

Daihgya hemqhumhum.

Gungcanjdangj okdaeuz,
Maeuz doengjit cienqsienq(cansen),
Comz daengx guek ligliengh,
Cienzmienh dingj bingfangz.

Aen hoi h Vajyauzbauj,
Fuengcim caux ndaej deng,
Caez liemx ga liemx gen,
Hai rengz dingj vunzrog.